

երբ անիկա Մոսկուա այցելէ Աղէքսանդր Գ. ի արձանին բացումին ատեն, Յրանայէն խնդրեր են որ Համբաւաւոր ոստիկանապետ Լըփին իրենց օգնութեան հասնի: Լըփին Հիմա Մոսկուա կը դանուի:

— Երկու միլիոնն Հինգ Հարւիւր Հազար տուար պիտի ծախսուի Իտալական կառավարութեան կողմէն՝ Վենետիկ ցամաքին Հետ միացնելու համար գեանուղիով մը, որ երկուք ու կէս մղոն երկայնութիւն պիտի ունենայ, և պիտի անցնի Ադրբաիկան ծովուն ծանծաղ մէկ մասին տակէն:

— Յրանա սովորական դարձած իր նաւային արկածներէն Հատ մըն ալ ունեցաւ, երբ ընդծովեայ նաւ մը, Վանաբմէք, բաղտելով Սէյնթ Լուի մարտանաւին՝ ծովուն յատակը իջաւ: 26 նաւաղներ խեղդուեցան այս աղէտին մէջ:

— Գերմանական երեք մարտանաւեր, Մոլթբէ, Պրիմէն, և Սթէթին, Հիմա Ամերիկեան ջուրերուն մէջ կը գտնուին իբրև բարեկամական այցելու: Գերման նաւաստիները մեծ Հիւրասիրութիւններու կ'արժանանան՝ Ուաշինկթոնի և Նիու Եորքի մէջ:

— Հանրապետականներու նախագահական թեկնածուն որոշելու համար Եիբակոյի մէջ ժողովները սկսած են վիճելի քուէները ճշդելու համար: Վիճելի քուէներէն 84 Հատի չափը Թէֆթի կողմը դարձուեցաւ, բայց Ռուզվելթի պաշտպանները կ'ամբաստանեն Թէֆթեանները իբրև բունի միջոցներ գործածողներ: Ռուզվելթ յայտարարեր է, թէ անիրաւ միջոցներ եթէ գործածուին իրեն դէմ, ինք իբրև անկախ թեկնածու մը Հրապարակ պիտի իջնէ:

— Թայքէնիքի աղէտին պատճառները քննելու համար կարգուած ծերակոտական յանձնարումքեր իր գործը լինցուցի՝ յանցաւոր գտնելով Հուայք Սքար Լայնի պաշտօնէութիւնը, և ծովազնացութիւնը ապահով դարձնելու հիմնական միջոցներ թելադրելով:

— Գոլումպոսի Համար Ուաշինկթոնի մէջ կանգնուած փառաւոր արձանին բացումը կատարուեցաւ Յունիս 8-ին: Աստնախօսութիւններ ըրին Նախ. Թէֆթ, Ճըսթիս Տաուլինկ, Իտալական զեապանը և ուրիշ նշանաւոր անձնաւորութիւններ:

— Պուլկարիոյ Թալուարն ու ԹալուՀին այցելութիւն մը տուին Գերմանիոյ կայսերական ընտանիքին՝ Փոթոտամի մէջ:

ՀԱՅ ՏՊԱԳՐՈՒԹԵԱՆ  
Ձ Ո Ր Ս Չ Ա Ր Ի Ի Ր Ա Մ Ե Ա Կ

Կ. Պոլիս, 4-17 Մայիս 1912  
ԵՆՔԻ ՎՈՂՍՈ ՍԱՆԼ ԲԻԼ 19

Տէր Խմբագիր,

Հայ Տպագրութեան 400-ամեակի Յանձնաժողովս կը խնդրէ Ձեր Աջնուութենէն որ բարեհաճիք յետագայ զեկոյցը Հրատարակել ձեր թերթի մօտակայ մէկ թիւին մէջ:

Կանխայայտ շնորհակալութեամբ  
Կարգադիր Յանձնախումբ

«Ապրիլ 29-ին Կ. Պոլսոյ ազգ. Կեդրոնական Վարժարանի Ամերիկատորոնին մէջ տեղի ունեցաւ Հայ Տպագրութեան 400-ամեակի յորելանական մարմնոյն 3 րդ նիստը: Ներկայ էին 20 է աւելի Միութեանց, Ընկերակցութեանց և Մամուլի լրագոր ներկայացուցիչները:

Որոշուեցաւ՝

Ա. Դիմել Կովկաս, Ամերիկա և այլուր, ամէն տեղ միևնոյն օրուան մէջ (Նոյեմբեր 25-ին) տօնելու համար Հայ տպագրութեան 400-ամեակը:

Բ. Հրաւիրել Հայ Տպագրութեան 400-ամեակի առթիւ անհատական դործեր պատրաստողները արտայայտուել միևնոյն օրուան մէջ:

Գ. Հրատարակել Հայ Տպագրութեան պատմութիւնը, մասնագէտներու աշխատակցութեամբ, անոր մէջ զետեղելով էջեր առաջին անգամ տպագրուած Հայ գրքէն՝ Պարգաւտմարէն:

Դ. Հանդէսներ սարքել նոյն օրը ցերեկին կեդրոն տեղ մը, իսկ նոյն գիշերը՝ զանազան Թաղերու մէջ:

Այս առթիւ յորելանական մարմինը ընտրեց 5 անդամներէ բաղկացեալ գործադիր ժողով մը, ի գործ դնելու համար վերոգրեալ որոշումները:»